

GLOSARI ISTILAH

“**Kelayakan Masuk Pelbagai (KMP)**” bermaksud peruntukan syarat kelayakan masuk yang membenarkan pelbagai tahap kelayakan akademik iaitu ijazah sarjana muda, ijazah sarjana dan ijazah doktor falsafah.

“**Klasifikasi Perkhidmatan**” bermaksud pengkelasan perkhidmatan berdasarkan persamaan peranan, bidang, fungsi dan pengkhususan.

“**Kumpulan Perkhidmatan**” bermaksud peringkat perkhidmatan mengikut keutamaan peranan iaitu Kumpulan Premier, Kumpulan Pengurusan Tertinggi, Kumpulan Pengurusan dan Profesional dan Kumpulan Pelaksana.

“**Matagaji**” bermaksud amaun gaji tertentu yang terletak di sesuatu Jadual Gaji.

“**Pelantikan Terus Ke Gred Kenaikan Pangkat (*Lateral Entry*)**” bermaksud pelantikan terus ke mana-mana gred kenaikan pangkat dalam sesuatu skim perkhidmatan

“**Peningkatan Secara Lantikan (PSL)**” bermaksud pelantikan pegawai daripada kumpulan perkhidmatan yang rendah kepada kumpulan perkhidmatan yang lebih tinggi secara pelantikan baharu tertakluk kepada syarat-syarat yang ditetapkan dalam skim perkhidmatan yang berkaitan. Terma PSL ini menggantikan Kenaikan Pangkat Secara Lantikan (KPSL).

“**Pergerakan Gaji Biasa**” bermaksud pergerakan gaji daripada matagaji semasa ke matagaji berikutnya.

“**Skim Perkhidmatan**” bermaksud terma dan syarat-syarat pelantikan, pengesahan dan kenaikan pangkat bagi sesuatu jawatan dalam Perkhidmatan Awam.

“**Skim Perkhidmatan Bersepadu**” bermaksud skim perkhidmatan yang menggabungkan sekurang-kurangnya dua peringkat kelayakan minimum dalam satu skim perkhidmatan.